

通州志

通州志卷之九

風土志 凡目二

觀民風而知教化之原辨土物而知天地之利剛柔殊尙
燥溼異宜日用纖悉政莫大焉通俗舊稱豪勁而蹈禮義
服聲名者多藹然儒雅風其地所育亦物產恆需罕及珍
異蓋 國家首善之澤最先斯習進於醇用歸於儉也志
風土

風俗

土產

風俗

燕渤海之間一都會也大與趙代俗相類而民雕悍少思

慮史記

燕趙多奇士又云燕地多貴人豪傑

漢書

北平水甘土厚人多技藝秀者讀書次則騎射耐勞苦

隋書

地理志

燕趙多慷慨悲歌之士

唐韓愈集

幽并之地其人沈鷺多才力重許可

唐杜牧集

風俗樸茂蹈禮義而服聲名

宋范鎮幽都賦

幽燕之地自古號多豪傑名於圖史者往往而是

宋蘇軾集

勁勇而多沈靜

宋蘇轍集

崇德尙義顧恥修廉以忠信勵其俗以詩書傳其家

金志

走集之交聚會之所習爲商賈勇於奔競喜聲名者有雄

桀之風好詩書者多慷慨之致

國朝一統志

當水陸之衝財貨集焉往往逐末者多務本者少

州舊志

俗使氣仗節士農務耕讀婦女勤於蠶織

潮舊志

冠禮俗鮮舉行者

婚禮先遣媒妁問名取女年庚合婚亦有男女親長作保

親者不必合婚謂之撞婚行定禮用釵釧綉帛及羊酒

果餅等物將娶行聘禮用衣飾及羊酒果餅等物俗名

下茶又名過禮將娶先期壻家備禮物及雞席送女家
曰催粧女家送粧匳仍以雞席歸壻家曰鋪牀粧匳豐
儉各稱其家娶前一日曰花燭男女家俱有戚友備禮
稱賀各設吉席款待娶之日閒有親迎者近亦罕行娶
之次日女家送果品等物曰點茶三日復送席曰餽飯
娶後幾日擇吉行廟見禮女家親戚咸往壻家曰會親
九日女家迎壻女至家曰回九十八日女家親戚咸往
壻家曰作雙九或女家復迎壻女至家曰回雙九及一
月女家迎壻女至家曰住對月或壻先返擇日送女歸
喪禮死之次日戚友俱送冥鏹男喪送紙馬女喪送紙轎

喪家延僧道作佛事曰接三其不作佛事之家無接三禮士大夫家及豐裕者或七七俱作佛事其不作佛事者遵文公家禮於死後五六七等日延庠生行成服禮踰時治喪親友奠賻者喪家裂帛答之發引前一日戚友賻弔曰封靈士大夫家延庠生行遷柩禮發引日喪家或用僧道士大夫家或延庠生於途行遣奠禮戚友束帛素服送殯或設路祭或設祭品於墓所曰山頭祭葬三日本家祭於墓曰煖墓向遇喪事有司會者頗於喪家有益今不甚行

祭禮詳後每月中

正月元旦家設香燭酒果拜天地祖宗出門賀節城隍廟中自隔歲除夕至元旦有廟場香會元宵節以果相餽自十三至十六各廟鼓樓懸燈放花礮其演戲者曰燈戲男女各游街市觀燈曰走百病又曰走橋兒自十五至三十里二泗娘娘廟有廟場香會二十五日啖餅餌曰填倉

二月二日爲龍擡頭用灰撒地謂之引龍煎菜豆粉爲餅曰燠蟲兒爲多蝎蠅臭蟲也自初一至初三各署土地廟演戲祀神十九日北壩菩薩廟有廟場香會

三月清明節本州城隍盛儀仗騶從出巡赦孤家各祀祖

先數日內各埽墓有喪之家三年內於春首戊寅日以前祭新墳俗謂新墳不過天赦日也自二月晦日至初二孤山廟有廟場香會自十七至十九楊富店娘娘廟有廟場香會自二十七至二十九東嶽廟有廟場香會四月八日爲浴佛會徧以熟豆施人謂之結緣自初一至十五宏仁橋娘娘廟張灣廣福寺卽接待寺俱有廟場香會初八日堂子胡同碧霞行宮萬緣廟會眾請天仙聖母神像赴髻髻山朝頂十八日草寺娘娘廟有廟場香會二十七八日城內外四處藥王廟有廟場香會二十八日北關九神廟有廟場香會

五月初一日本州城隍廟自四月晦日至初一有廟場香會里二泗娘娘廟亦於初一有廟場香會端午節家以角黍相餽遺插艾懸符飲菖蒲雄黃酒製五色線繫兒女臂以避毒演龍舟於運河之中以爲戲十三日爲關帝誕自初一至晦日王恕園關帝廟有廟場香會陳積百貨互相市易演劇禮神游人雜沓

六月六日曝衣十七日俗稱爲本州城隍誕有廟會

七月七日爲女節用盞盛水曝日中水面生膜投以小鍼謂之丟巧十五日家各祀祖先本州城隍盛儀仗騶從出巡赦孤各處作佛事放河燈超度孤魂各廟作盂蘭

會

八月十五日家設瓜果祭月以月餅相饋遺

九月九日蒸粉麪置棗栗其上曰花糕閒有采菊載酒登高者

十月初一日本州城隍盛儀仗騶從出巡赦孤家各祀祖先裁紙爲衣焚之曰送寒衣初八日相傳爲州土地誕初七至初九三日於土地祠內演劇張燈游人雲集

十一月長至節家各祀祖先

十二月八日用各種粟米雜諸果同煮曰臘八粥二十三日夜設牲醴糖餅祭竈除夕各祀祖先設酒肴宴樂曰

分歲坐至夜分曰守歲燒炭火蒼朮以辟瘟各於門前
燔柴曰燎歲花礮之聲達旦或貼紙錢或貼門神士大
夫家則掛桃符

土產

穀之屬

稻

黍

稷

麥

有大小麥蕎麥橫麥各種

粱

豆

俱有各種

稗

芝麻

紅薯

白薯

紅白薯二種於乾隆二十三年前督憲飭種今每年長發利民

蔬之屬

韭

芹

瓠

芥

莧

茄

葱

蒜

藤蒿

萵苣

芫荽

甘盧

山藥

蘑菇

蘿蔔

瓠盧

蒲菜

茭白

扁豆

青白紅三種

菜

有數種黃芽者佳

菠薐

原出頗陵國俗名赤根菜

瓜 有西南東王倭甜菜絲等類

苦麻

根倒菜

果之屬

桃

杏

李

葡萄 長者佳圓者次之

梨

藕

蓮蓬

棗 兩頭尖者佳圓者次之

荸薺

石榴

山里紅

慈姑

木之屬

桑

榆

槐

松

柏

柳

楊

花之屬

碧桃

夾竹桃

榴

藍梔 花似桃無果

荷

金盞

珍珠

薔薇 有一本具五色者

迎春

探春

水蓼

菊 各種各色

六月菊

雞冠

丁香 紫白二色 老來紅 卽五段錦

水仙 翠娥眉 佛指甲 玉簪

秋海棠 鳳仙即指甲草 石縐 喇叭花即牽牛

爬山虎 江西臘，水蓬花 草茉莉紅黃紫白各色

晚香玉 紅姑娘

藥之屬 大黃 紫蘇 兔絲 苦丁香即甜瓜蒂

旱蓮 家艾 瓦松 地膚子即掃帚子

槐角 天麻即華麻子 白蒺藜張灣者佳

桑白皮 蒲公英 蒼耳子

草之屬 萍 藻 荻 葦

莎 茅 苔 蒿

薺 娘娘拳 老鸛嘴 水葱

豔婦苗 星星草 燈籠窠

禽之屬 鵲 黃雀 鳩 鴿

鷗 鷺 鳧 魚鷹

雞 鷺 鴨 青鷁

啄木 鷓鴣 鷓老 黎雞卽扈

鵲 鐵腳雀 山鷓 鴉

獸之屬 牛 羊 馬 騾

驢 豕 犬 狐

狸 獾 狼 兔